

Çarçewaya madeyê 13. û 14. yê Qanûnê Bikarardîşê Doneyanê Umûmîyan (DSGVO) de bikarardîşê doneyan ra eleqedar malumatî

Dosyaya muameleyanê resmî ke heme malumat û belgeyî tede kom bîyê

Nameyê koordînorî û malumatê îrtibatî:

Bundesamt für Fremdenwesen und Asyl (Dayreyê Federal yê Macirîye û Multecîyan)
Modecenterstraße 22, 1030 Wien
Telefon: +43- 59 133 98 7004
Faks: +43- 59 133 98 7399
E-posta: BFA-Einlaufstelle@bmi.gv.at

Malumatê îrtibatî yê wezîfedarê pawitişê doneyan:

Telefon: +43- 59 133 98 - 0
E-posta: BFA-Datenschutzbeauftragter@bmi.gv.at

Amancê bikarardîşê doneyanê şexsî:

Muameleyê resmî yê derheqê rewşa bîlhasa zî muracat, qerar, rayirê helkerdîşê hiqûqî, dersînorkerdiş û apey ageyrayişê keremê zerrîya xwu ra (doneyê muameleyanê resmî) dir eleqedar ke hetê Dayreyê Federal yê Macirîye û Multecîyan ra yenê kerdîş

Bingeyê hiqûqî yê bikarardîşê doneyan:

Madeyê 28., 29., 33. û 58. yê Qanûnê Federalî (BFA Qanûnê Usûlî, BFA-VG) ke derheqê dosyayanê ke verê Dayreyê Federal yê Macirîye û Multecîyan de yê, betalkerdîşê celse yan zî dayişê bi xerîban yê belgeyanê dewleta Awusturya dir munasibîya pawitişê mîyanneteweyî, îznê îqameyî yê rewşanê îstîsnaî de, dersînorkerdiş, taloqkerdişê îcrakerdişê dersînorkerdişî tenzîm kenê

Demê nimitişê doneyanê şexsî:

Doneyê ke çarçewaya Qanûnê Usûlî BFA de arêdîyayê tewr peynî de enê halan de yenê pakkerdiş:

1. Wexto ke hemwelatîya Awusturya dîyena kesî, semedê apey girewtişê belgeya ke xerîbîya kesî nîşan dana coka êdî îhtîyac bi doneyan nêmaneno de
2. Eke mergê kesî seba Dayreyê Federal yê Macirîye û Multecîyan û Mehkemaya Federal ya Îdareyî rê bidîyo zanayiş û teqrîben 5 serrî mergî kesî ser ra bivîyaro
3. Badê ke qerarê peynî derheqê dosyaya ke Dayreyê Federal yê Macirîye û Multecîyan û Mehkemaya Federal ya Îdareyî de ya dîyeno, yew muracat apey bigêrîyo, kirarîyê resmî yê dosya ra eleqedar biqedîyê yan zî rewşa ke bîya mewzûyê muracatî êdî mîyan ra wedarîyo, 10 serrî badê pey qedexekerdişê dekewtişê kesî bi welat û îqameyê ci bi hawayêko daîmî nêkeweno enê çapsamî. Demê derbasbîyayişê kirarîyêka muwaqite ke îqameyî betal kena badê nuqtaya ke cumleya verîne de îfade bena biqedîyo, badê ke demê derbasbîyayişê qedîyeno ra pey doneyî yenê pakkerdiş.

Dezgeyê resmî ke doneyê şexsî înan dir yenê parekerdiş:

Dezgeyê emnîyetî; Meqamê ke tehqîqatê edlîî kenê; Hepisxaneyî, mehkemayê aslîye yê hiqûqî û mehkemayê ceza; Mehkemayê îdareyî yê girêdayeyê eyaletanê federalan; Şûbeyê Awusturya yê Komîserîya Berze a Multecîyan a Yewîya Miletan; Hetê ke kewenê mîyanên

peymanê û meqamanê dewlete ke dewlete ra eleqedar talîmatnameyê Dublinî tetbîq kenê û tedkîkerdişê muracatê îltîca yan zî muracatê pawitişê mîyanneteweyî de selahîyetdar ê tespît kenê; Eger melumatê nasnameyî bi meqamanê eleqedaran bidîyo zanayiş, tesbîtkerdişê nasnameyî dir rewşa ke dayişê heqê îltîca mumkin nêbeno de meqamê xerîbî ke Konvasiyonê Multecîyan yê Cenevre tetbîq kenê; heqê resayişê bi doneyan nêdîyeno meqamê selahîyetdarî yê welatê ke îddîa beno heqê multecîyan îhlal kerdo; Meqamê temsîlkarî yê Awusturya; Meqamê ke Qanûnê Derheqê Xerîbanê ke Welat de Daîmî yan Muwaqit ê de ameyê dîyarkerdiş; Meqamê ke karê hemwelatîyîye ra mesûl ê; Midûriyetê nifûsî; Kes yan dezgeyê ke netîceyê tetbîqkerdişê Qanûnê Karkeranê Xerîban de sey selahîyetdar ameyê tayînerdiş; Meqamê ke ewnîyênê sucanê malî ra; Dezgeyê asayişê sosyalî ke ciwanan ra mesûl ê; (Madeyê 49. û 52. yê Qanûnê Usûlî BFA) şêwirmendê hiqûqî; Şêwirmendê apey ageyrayişê bi welatê xwu; Dayreyê bacî; Madeyê 12. yê Qanûnê Usûlî BFA gore tercumanê ke çarçewaya xizmetê tercumeyî kenê; Wezaretê Federal yê Karanê Zereyî; Dezgeyê federal û dezgeyê eyaletî ke îcrakerdişê Peymana Destek û Ardimê Bingeyîni dir eleqedar ê; Meqamê mehelfî ke semedê dayişê ardimê destek û entegrasyonî ameyê wezîfedarkerdiş û Dezgeyê Dîyayişê Karî û Karkeran yê Awusturya (AMS); Dezgeyê tenduristî yê mintiqayî û Federasyonê Dezgeyanê Emniyetê Sosyalî yê Awusturya; Ewropaya Federale, Wezaretê Entegrasyonî û Karanê Teberî; Dezgeyê Awusturya ke Destekê Entegrasyonî Dano Xerîban; Yewîneyê ke wayirê ehliyetê dayişê destek û ardimê sosyalî û çîyanê bînan esto; Meqamê qeydê îqameyî; Heyetê Ombudsmanan (Volksanwaltschaft); Dezgeyê İstatîstîkanê Dewlete yê Awusturya; Meqamê dewleta ke keso xerîb ci ra ameyo; Mesûlê îrtibatê usûlî dezgeyanê welatanê endamê Yewîya Ewropa (YE) ke celse ra mesûl û bi wasitaya Wezaretê Karanê Zereyî înan dir têkilî ronîyaya; Mehkemaya Federale ya Îdareyî; Dezgeyê asayişî yê welatanê endamê YE yê bînan waranê sey asayiş yan polîsê ke sucan ra mesûl ê, sîstemê pasaportan, polîsê xerîban û kontrolê sînoran de xizmet kenê; Dezgeyê Hemkarîya Asayişî yê Yewîya Ewropa (Europol) ke asayiş yan polîsê ke sucan ra mesûl ê, sîstemê pasaportan, polîsê xerîban û kontrolê sînoran de xizmet kenê; Bi şeklê ke hukmanê qismê 5. yê talîmatnameyê DSGVO gore dîyar biyo dezgeyê asayişî yê welatanê hîrêyin ke waranê sey kontrolê sînoran û polîsê ke sucan ra mesûl ê (bi o şerto ke girêdayeyê madeyê 58. û 59. yê Qanûnê Pawitişê Doneyan bo) sîstemê pasaportan û polîsê xerîban de xizmet kenê; Interpol - bi şeklê ke hukmanê qismê 5. yê talîmatnameyê DSGVO gore dîyar biyo dezgeyê ke kontrolê sînoran dir xizmetê asayiş û polîsê ke sucan ra mesûl ê (bi o şerto ke girêdayeyê madeyê 58. û 59. yê Qanûnê Pawitişê Doneyan bo), sîstemê pasaportan seba polîsê xerîban Sekreterîya Pêroyî ya Teşkilatê Polîsan o Mîyannetewî; Dezgeyê Qeydî ke Qanûnê E-Dewlet de wayirê ehliyetê SourcePINî yo Bikarardoxê doneyan: Wezaretê Federal yê Karanê Zereyî, IBM Österreich - Internationale Büromaschinen Gesellschaft m.b.H.; Microsoft Österreich GmbH; Bundesrechenzentrum GmbH; Atos IT Solutions and Services GmbH

Heqê kesê ke biyo mewzûyê arêdayişê doneyan:

Dezgeyê Pawitişê Doneyan yê Awusturya de heqê gerre kerdişî (1030 Wien, Barichgasse 40-42, telefon +43 1 52 152-0, e-post dsb@dsb.gv.at) Çarçewaya paragrafê 1. yê madeyê 24. yê Qanûnê Pawitişê Doneyan (DSG) de yeno pawitiş.

Heqê resayişê bi doneyan madeyê 15. yê talîmatnameyê DSGVO gore tesbît biyo.

Heqê tenzîmkerdişê doneyan madeyê 16. yê talîmatnameyê DSGVO gore tesbît biyo.

Heqê pakkerdişê doneyan madeyê 17. yê talîmatnameyê DSGVO gore tesbît biyo.

Heqê kêmkkerdişê bikarardişê doneyan madeyê 18. yê talîmatnameyê DSGVO de tarîf bîyo.

Heqê îtirazî nêdîyeno.